

古文苑

六



古文苑卷第八

雜文

僮約

王褒

蜀郡王子淵以事到煎上寡婦楊惠舍有一奴名便了倩行酤酒便了捍大杖上冢顛曰大夫買便了時只約守冢不約為他家男子酤酒子淵大怒曰奴寧欲賣耶惠曰奴父許人人無欲者子即決賣券之奴復曰欲使皆上不上券便了不能為也子淵曰諾券文曰神爵三年正月十五日資中男子王子淵從成都安志里女子

古文苑八

三十五

吳浩

楊惠買夫時戶下髯奴便了決賣萬五千奴從

百役使不得有二言晨起早一作洒掃食了洗滌

居當穿曰縛箒裁孟鑿井浚渠縛落鉏園研陌

杜墀音明地刻大枷屈竹作把削治鹿盧出入不

得騎馬載乘作車蹠坐大叟下牀振頭垂釣刈

芻結葦臘纜沃不酪住醜音祖醜音摸織履作麤黏

雀張鳥一作鳥結網捕魚繳鴈彈鳧登山射鹿入

水捕龜浚園縱魚鴈鶩百餘驅逐鳴鳥持稍牧

猪種薑養羊長育豚駒糞除常潔餒食音自馬牛

鼓四起坐夜半益芻二月春分被隄杜疆落桑



皮撥種瓜作

音昨

瓠別茄披葱焚槎發等龍集破

封日中早黃

音復

鷄鳴起春調治馬馱兼落三重

舍中有客提壺行酤汲水作舖

音晞

滌杯整按園

中拔蒜斲蘇切脯築肉臞芋膾魚包鱉烹茶盡

具舖已蓋藏關門塞竇餒猪縱犬勿與隣里爭

鬪奴但當飲豆水不得嗜酒欲飲美酒唯得染

脣漬口不得傾盃覆斗不得辰出夜入交關伴

偶舍後有樹當栽作舡上至江州下到煎主為

府掾求用錢推紡惡敗搜索綿亭買席往來都

洛當為婦女求脂澤販於小市歸都擔桌轉出

皮搜種瓜作

音昨

瓠別茄披葱焚槎發等龍集破

封日中早黃

音復

鷄鳴起春調治馬馱兼落三重

舍中有客提壺行酤汲水作舖

音晞

滌杯整按園

中拔蒜斷蘇切脯築肉臠芋膾魚包鱉烹茶盡

具舖已蓋藏關門塞竇餒猪縱犬勿與隣里爭

鬪奴但當飲豆水不得嗜酒欲飲美酒唯得染

脣漬口不得傾盂覆斗不得辰出夜入交關伴

偶舍後有樹當栽作舡上至江州下到煎主為

府掾求用錢推紡惡敗搜索綿亭買席往來都

洛當為婦女求脂澤販於小市歸都擔桌轉出

旁蹉牽犬敗

一作放

鵝武陽買茶楊氏池中擔荷

往來市聚慎護姦偷入市不得夷蹲旁卧惡言

醜罵多作刁弓持入益州貨易牛羊奴自交精

惠不得癡愚持斧入山斷槩栽轉若殘當作俎

机木屐及羸

一作堆

盤焚薪作炭石礪

力切

薄岸

治舍蓋屋書削代牘日暮以歸當送乾薪兩三

束四月當披五月當獲十月收豆多取蒲苧

音紆

益作繩索雨墮無所為當編蔣

一作漿

織箔植種

桃李梨柿柘桑三丈一樹八赤為行果類相從

縱橫相當果熟收斂不得吮嘗犬吠當起驚告

隣里振門柱戶上樓擊鼓倚盾曳鉞還落三周
勤心疾作不得遨遊奴老力索種莞織蓆事訖
欲休當春一石夜半無事浣衣當白若有私斂
主給賓客奴不得有姦私事事當聞白奴不聽
教當笞一百讀券文徧訖詞窮咋索佗佗扣頭
兩手自搏目淚下落鼻涕長一尺當如王大夫
言不如早歸黃土陌蚯蚓鑽額早知當尔王大
夫酤酒真不敢作惡

張說云此文
相傳多誤

奕旨

班固

大冠言博既終或進而問之曰孔子稱有博奕

古文苑卷八

三

三

陳述

今博行於世而奕獨絕博義既弘奕義不述問
之論家師不能說其聲可聞乎曰學不廣博無
以應客北方之人謂棊為奕弘而說之舉其大
略決義深矣局必方正象地則也道必正直神
明德也棊有白黑陰陽分也駢羅布列效天文
也四象既陳行之在人蓋王政也成敗臧否為
仁由己危之正也夫博懸於投不專在行優者
有不遇劣者有僥倖躋挈相凌氣勢力爭雖有
雄雌未足以為平也至於奕則不然高下相推
人有等級若孔氏之門回賜相服循名責實謀

以計策若唐虞之朝考功黜陟器用有常施設
無折一作所因敵為資應時屈伸續之不復變化
日新或虛設豫置以自護衛蓋象庖羲罔罟之
制隄防周起障塞漏決有似夏后治水之勢一
孔有闕壞頽不振有似瓠子汎濫之敗一棊破
窒亡地復還曹子之威作伏設詐突圍橫行田
單之竒要厄相刼割地取賞蘇張之姿固本自
廣敵人恐懼三分有二釋而不誅周文之德知
者之慮也既有過失能量弱強逡巡需行保角
依旁却自補續雖敗不亡繆公之智中庸之方
上有天地之象次有帝王之治中有五霸之權
下有戰國之事覽其得失古今略備及其晏也
至於發憤忘食樂以忘憂推而高之仲尼擬也
樂而不淫哀而不傷質之詩書關雎類也紕專
知柔陰陽代至施之養性彭祖氣也外若無為
默而識淨泊自守以道意隱居放言遠咎悔行
象虞仲信可喜感乎大冠論未備故因問者喻
其事

篆勢

蔡邕

體有六篆巧妙入神或龜蛇文或比龍鱗紆體

放尾長翅短身揚波震激鷹鷂時鳥震延頸脅翼
勢似凌雲

青鬃奴辭

黃香

我觀人鬚長而復黑冉弱而調離離若緣坡之
竹鬱鬱若春田之苗因風披靡隨風飄飄爾乃
附以豐頤表以蛾眉發以素顏呈以妍姿約之
以紺綫潤之以芳脂莘莘翼翼靡靡綏綏振之
發曜黝若玄珪之垂於是搖鬚一作鬚奮鬚則論
說唐虞鼓鑿動鬚則研覈否臧內育環形外闡
宮商相如以之閑都顓孫以之堂堂豈若子鬚

下二左亦八

五

三十一人

作道

既亂且赭枯槁禿瘁劬勞辛苦汗垢流離污穢
泥土儻囁穰孺音而與塵爲侶無素顏可依無豐
頤可怙動則困於物滅靜則窘於囚虜薄命爲
鬚正著子頤爲身不能庇其四體爲智不能飾
其形骸懶鬚瘦面常如死灰曾不如犬羊之毛
尾狐狸之毫菴爲子鬚不亦難乎

九惟文

蔡邕

八惟困之憂心殷殷天之生我星宿值貧六極
之厄獨我斯勤居處浮澗無以自任冬日栗栗
上下同雲無衣無褐何以自溫六月徂暑炎赫

來臻無絺無紵何以蔽身無餉不飽永離權欣

叙

董仲舒集叙

董仲舒清河廣川人也以治春秋為博士下帷
講誦弟子傳以久次相授業或莫能見其面蓋
三年不窺園圃進退容止非禮不行學士皆師
尊之漢孝武皇帝即位以賢良對策為江都相
事易王王素驕好勇仲舒以禮義匡正王敬重
焉公孫弘希世用事深疾仲舒是時膠西王尤
縱恣數害吏二千石弘欲中之乃言於上曰獨
仲舒可使相膠西王膠西王素服其德善待之
仲舒恐久獲罪以病免凡相兩國輒事驕王正
身率下所居而治及去位歸居終不問產業以
脩學著書日為事年老以壽終於家

記

漢樊毅修西嶽廟記

一作碑

山經曰泰華之山削成四方其高五千仞廣十
里周禮職方氏華謂之西嶽祭視三公者以其
能興雲雨產萬物通精氣有益於人則祀之故
帝舜受堯歷數親巡省設五鼎之奠柴燎煙致

敬神祇又用昭明白穀繁殖黎民時雍鳥獸率舞鳳凰來儀暨夏殷周末之有改也其德休明則有禎祥荒淫臊穢篤災必降秦違其典璧遺鄔池二世以亡高祖應運禮遵陶唐祭則獲福奕世克昌亡新滔逆鬼神不享建武之初彗掃頑凶更率舊章敢用玄牲牲牲必充天惟醇祐萬國以康光和二年有漢元舅五侯之冑謝陽之孫曰樊府君諱毅字仲德承考讓國家于河南究職州郡辟公府除防東長中都令誅強越撫瘠民二鄙以清命守斯邦威隆秋霜恩踰冬日

景化既宣由復夕惕惟窺祿之報順民之則孟冬十月齊祀西嶽以傳窄狹不足處尊卑廟舍舊久墻屋傾亞世室不脩春秋作譏特部行事荀班與縣令先讜以漸補治設中外館圖珍竒畫恠獸獄瀆之精所出禎秀役不干時而功已著暫勞以逸神永有憑自古太山邱邑猶存五嶽尊同哀此勤民獨不賴福乃上復十里內工商農賦克厭帝心嘉瑞仍翕風雨應起一作潤品物君舉必書况乃盛德惠及神人可無述焉於是功曹郭敏主簿魏龔石曹史許禮等遂

刊玄石銘勒鴻勛垂曜靈軫存有昭識其辭曰
二儀剖判清濁始分陽凝成山陰積爲川泰氣
推否洪波汎臻堯命伯禹決江開汶川靈旣定
恩覆兆民乃刊祀典辨于羣神因瀆祭地嶽以
配天世主遵循永享歷年赤銳煌煌受茲介福
京夏密清殊俗賓服令問不違可謂至德德音
孔昭實惟我后出自中興大漢之舅本枝惟百
延慶長久俾守西嶽達奉神祀改傳節廟靈則
有攸攸無字濟降瑞畲祚景風凱悌惟風及雨成
我稷黍穡民用章建乂室宇刊銘記誦克配梁

甫

碑

河間相張平子碑

河間相張君南陽西鄂人諱衡字平子其先出
自張老爲晉大夫納規趙武而反其侈書傳美
之君天姿叡哲敏而好學如川之逝不舍晝夜
是以道德漫流文章雲浮數術窮天地制作侔
造化瓌辭麗說奇技偉藝磊落渙炳與神合契
然而體性溫良聲氣芬芳仁愛篤密與世無傷
可謂淑人君子者矣初舉孝廉爲尚書侍郎遷

太史令實掌重黎歷紀之度亦能焯燿敷大天明地德光照有漢遷公車司馬令侍中遂相河間政以禮成民是用息遭命不永間忽喪祖朝失良臣民隕令君天泯斯道世喪斯文凡百君子靡不傷焉乃銘斯表以旌厥問其辭曰

於維張君資質懿豐德茂材美一作美高朗顯融焉

所不學亦何不師盈科而逝成章乃達一物不知實以為恥聞一善言不勝其喜包羅品類稟授

無形酌焉不竭沖而復盈廩廩其庶豐豐其幾膺數命世紹聖作師苟華必實令德惟恭柔嘉

一百五十五

古文苑八

九

吳

伊則孝友祗容允出在茲維帝念功往才女諧化洽民雖愍而不弔降此咎兇愆人其畏罔不時恫紀于銘勒永終譽兮死而不朽芳烈著兮

曹娥碑

度尚

弟子郎 鄞淳撰

孝女曹娥者上虞曹盱之女也其先與周同祖

末胄荒流

一作沉

爰

一作茲

適居盱能撫節按歌婆

娑樂神以漢安二年五月時迎伍君逆濤而上為水所淹不得其尸時娥年十四號慕思盱哀吟澤畔旬有七日遂自投江死經五日抱父屍出以漢安迄于元嘉元年青龍在辛卯莫之有

表度尚設祭誄之辭曰鬱伊孝女擘擘之姿偏
其反而令色孔儀窈窕淑女巧笑倩兮宜其家
室在洽之陽大禮未施嗟喪慈父彼蒼伊何無
父孰怙訐神告哀赴江永號視死如歸是以眇
然輕絕投入沙泥翩翩孝女載沉載浮或泊洲
渚一作嶼或在中流或趨湍瀨或逐波濤千夫失
聲悼痛萬餘觀者填道雲集路衢泣淚掩涕驚
動國都是以哀姜哭市杞崩城隅或有尅面引
鏡務耳用刀坐臺待水抱樹而燒於戲孝女德
茂此儔何者大國防禮自脩豈况庶賤露屋草
茅不扶自直不鏤一作斲自彫越梁過宋比之有
殊哀此貞厲一作獨千載不渝嗚呼哀哉辭曰名
勒金石質之軋坤歲數歷祀立廟起墳光于后
土顯昭天人生賤死貴利之義門何悵華落飄
零早分葩艷窈窕永世配神若堯二女爲湘夫
人時効鬢髻以昭後昆 漢議郎蔡邕聞之來
觀夜闇以手摸其文而讀之邕題文云黃絹幼
婦外孫壘曰二百年後碑冢當墮江中當墮不
墮逢王叵墮一作墜
叵一作匹

桐柏廟碑

王延壽

延熹六年正月八日乙酉南陽太守中山盧奴
張君處正好禮尊神敬祀以淮出平氏始於大
復潛行地中見於陽口立廟桐柏春秋宗奉災
異告誥水旱請求位比諸侯聖漢所尊受珪上
帝太常定甲郡守奉祀務潔沈祭從郭君以來
二十餘年不復身到遣行承事簡略不敬明神
弗歆災害以生五嶽四瀆與天合德仲尼慎祭
常若神在君準則大聖親之桐柏奉見廟祠崎
嶇逼狹開拓神門立闕四達增廣壇場飭治華
蓋高大殿宇穹齊傳館石獸表道靈龜十四衢

廷弘敞宮廟嵩峻祇慎慶祀一年再至躬進牲
牲執玉以沈爲民祈福靈祇報祐天地清和異
祥昭格禽獸碩茂草木芬芳黎庶豫祉民用作
頌其辭曰泫泫淮源聖禹所導湯湯其逝惟海
是造疏穢濟遠柔順其道弱而能強仁而能武
聖賢立式明哲所取定爲四瀆與河合矩烈烈
明府好古之則虔恭禮祀不愆其德惟前廢弛
匪恭匪力災眚以興陰陽以忒陟彼高岡臻茲
廟側肅肅其敬靈祇降福雍雍其和民用悅服
穰穰其慶年穀豐植望君輿駕扶老携息慕君

塵軌奔走忘食懷君惠貺思君罔極于育樂兮
傳於萬億

春侍祠官屬五官掾章陵劉訢功曹史
安衆劉瑋主簿蔡陽樂茂戶曹史宛任
巽秋五官掾新野梁懿功曹史酈周謙
主簿安衆鄧嶷主記史宛趙曼戶曹史
宛謝綜

九疑山碑

集中有目
而云其篇

蔡邕

巖巖九疑峻極于天觸石膚合興播建雲時風
嘉雨浸潤下民芒芒南土實賴厥勛逮于虞舜
聖德光明克諧頑傲以孝蒸蒸師錫帝世堯而
授徵受終文祖璇璣是承太階以平人以有終
遂葬九疑解醴而升登此崔嵬託靈神僊

古文苑卷第八

古文苑卷第九

碑

漢故中常侍騎都尉樊君之碑 子遷

君諱安字子佑南陽湖陽人也厥祖曰仲山父翼佐周宣出納王命為之喉舌以致中興食菜于樊子孫氏焉奕世載德守業不愆在漢中葉篤生哲媛作合南頓實產世祖征討逆畔復漢郊廟而樊氏以帝元舅顯受茅土封寵五國壽張侯以功德加位特進其次並以高聲處鄉校侍中尚書據州典郡不可勝載為天下著姓君

古文苑卷九

三七

金敷

幼以好學治韓詩論語孝經兼典記傳古今異義甘貧樂約意不回貳天姿淑慎稟性有直秉操不移不以覬貴世政促峻邑宰寡識慢賢役德被以勞事然後慷慨官于王室歷中黃門冗從儀史拜小黃門小黃門右史遷藏府令中常侍其事上也貞固密慎矜矜戰戰作主股肱助國視聽外職不誣內言不泄為近臣楷模是以兄弟並盛雙據二郡宗親賴榮年五十有六以永壽四年二月甲辰卒朝思其忠追拜騎都尉寵以印紱策書褒歎賻贈有加嗣子遷寔以幼



弱夙叙王爵而喪所天禮備復位以延熹三年
冬十有一月自上蒸祭乃尋惟烈考恭脩之懿
勒之碑石俾不失墜其辭曰

肅肅我君帝躬是翼王事多難我君是力秉此
小心以亮皇職惟帝念功庸以輿服大命傾寶
魂神遷伏龜艾追贈用光其德藹藹遺稱作呈
作式勒銘茲石垂示罔極勲名不剋永昭千億
制詔中常侍樊安宿衛歷年恭恪淑慎嬰被疾
病不幸蚤終今使湖陽邑長劉搯追號安為騎
都尉贈印綬魂而有靈嘉其寵榮嗚呼哀哉延

弱夙叙王爵而喪所天禮備復位以延熹三年冬十有一月自上蒸祭乃尋惟烈考恭脩之懿勒之碑石俾不失墜其辭曰

肅肅我君帝躬是翼王事多難我君是力秉此小心以亮皇職惟帝念功庸以輿服大命傾竇魂神遷伏龜艾追贈用光其德藹藹遺稱作呈作式勒銘茲石垂示罔極勲名不剋永昭千億制詔中常侍樊安宿衛歷年恭恪淑慎嬰被疾病不幸蚤終今使湖陽邑長劉捺追號安為騎都尉贈印綬魂而有靈嘉其寵榮嗚呼哀哉延熹元年八月二十四日丁酉下

漢金城太守殷君碑

酈炎

一作衛覲

君諱華字叔時上郡定陽人大匠君之子也其先出自有殷因國定氏不改其號聖哲玄流至君而懿幼應瓊蘭之美長有冲邈之志敷詩閱禮蕃鞫竹賁誕循前業守以恪恭仕歷州郡忠愕有分其大操也耽耽虎視龍變不羈故能雄傑於并城聲班於上京察何孝廉賁除郎中左馮翊丞協宣文物公事知州舉茂才宛丘令崇行寬猛示之禮禁褻延庠校政以惠和三載陟

隕邪臨金城郡鄣羗虜避難遷移役兼民匱室
如懸磬乃數權略獎厲威信檢狃率服不敢窺
踰兵戢而時動因省獵以習義興利弭患順其
所樂開通狹道造作傳館吏士咸悅不勞而勸
是以搢紳之徒譚講雅誦釋軍旅之犀革陳俎
豆於泮宮其艾檐軫旌顯才良咨量三壽賞刑
不僭邦場寧靜歲時豐登老日叟擊壤童齒謳
譟功暮一作暮垣列當升寵祚旻不耆德景命失
靈以光和元年九月乙酉卒官生有嘉休終則鼎
銘於是故吏邊竺江英韓遂等追送遐立刊石

勒勛其辭曰

於惟明后懷德握醇昆台之耀秀出不群文昭
有毅武列能仁含舒憲墨以育生民垂紀東壤
西國著勛身沒名流載世常存古之遺老非此
孰云于尔臣恩績一作績其臭芬

西嶽華山亭碑

衛覲

惟光初元年歲在戊午名曰咸池季冬己巳弘
農太守河南樊府君諱毅字仲德下車之初恭
肅神祀西岳至尊詔書奉記躬親自往省從勞
謙即事有漸散齊華亭齊堂逼窄郡縣官屬清

一作齊無處尊卑錯綜精誠不固畏天之威逢

斯瘳怒時雨不興甘澍不布念存黔首懼聞曠
素於是與令巴郡胸忍先謹公謀圖議繕故斷
度擇廊立室異處左右趣之莫不競慕二年正
月己卯興就既成有元休嘉啓寤各得竭情一作
誠福祿是顧刻茲碑號吏卒俠路其辭曰

巖巖西岳五鎮次宗緒德之尊太華優隆皇帝
永思祀典孔明高神肯宴圭璧贄通赫赫在上
以畜萬邦惟岳降神寔生群公卿士百辟績業
攸蒙帝命不違歲事報功群后命卿散齊外亭

恭敬明祀以奉皇靈處所逼窄宥有聲神樂
其靜脩翬无形尊卑有序潔心致誠因繕舊室
整頓端平在其板屋孰不加精天人同道萬祚

來一作迎既受帝祉延于後生為龍為光顯又

王庭為公為侯福祿來成刻石紀號永享利貞
府丞渤海劉固叔長功曹史楊儒曼先主簿湖
陽馮伯馮供曹掾楊基伯載史陝許禮文化縣
丞隴西彭和伯怡左尉隴西甄璆叔曼監典者
門下掾駱瑋伯先主記史栢覽文進戶曹掾魏
嘗威長史田磐文祖將作掾曹鑒孔明任就幼

成史吳武丙昌

西嶽華山堂闕碑銘

張昶

易曰天地定位山澤通氣然山莫尊於嶽澤莫盛於瀆山嶽有五而華處其一瀆有四而河在其數其靈也至矣聖人廢興必有其應故岱山石立中宗繼統太華授璧秦胡絕緒白魚入舟姬武建業寶珪出水子朝喪位布五方則處其西列三條則居其中若廣袤一作竒蟲山經有紀矣是以帝王巡狩親五岳而告至覲方后而考禮故經有望秩之禋典有生殖之祀蓋所以

下大上九夫九

五

千

年

崇山川而報功也四海一統天子秉其禮諸侯力政疆國攝其祭奉其邑曰華陰也久矣乃紀於禹貢而分秦晉之境奉鄙晉之西則曰陰晉邊秦之東則曰寧秦邑既遷徙禮亦如之三國力爭以秦以祭其城險固基趾猶存故老之言未殞於民也逮至大漢受命克亂不愆不忘舊名是復率禮不越故祀是尊歷葉增脩虔恭又備一禱三祀終歲而四以迄于今而世宗又經集靈之宮於其下想喬松之疇是遊是憩郡國方士自遠而至者充巖塞崖鄉邑巫覡宗祀乎

宗祀一
作崇祝

其中者盈谷溢谿咸有浮飄之志愉悅之色必雲霄之路可升而越果繁昌之福可降而致也故殖財之寶黃玉自出令德之珍卿相是毓匪惟高高降生申甫此亦有焉天有所興必先廢之故殷宗周宣以衰致盛是時也王業中缺大化陵遲郡縣既毀財匱禮乏庭廟傾壞壇場蕪穢祭祀之禮頗有缺焉於是鎮遠將軍領北地太守閭鄉亭侯段君諱煨字忠明自武威占此土憑託河華二靈是與故能以昭烈之德享上將之尊銜命持重屯斯寄國討叛柔服威懷是示群兇既除郡縣集寧家給人足戶有樂生之歡朝釋西顧之慮而懷關中之恃雖昔蕭相輔佐之功功冠群后弗以加也遂解甲休士陣而不戰以逸其力脩飾享廟壇場之位荒而復辟禮廢而復興又造祠堂表以參闕建神路之端首觀壯麗乎孔徹然后祈請既有常處雖雨露衣而禮不廢於是邑之士女咸曰宜之乃建碑刊石垂示後裔其辭曰

於穆堂闕堂闕昭明經之營之不日而成匪奢匪儉惟德是程匪豐匪約惟禮是榮虔恭禋祀

黍稷芬馨神具醉止降福穰穰

後漢鴻臚陳君碑

邯鄲淳

君諱紀字元方太丘君之元子也始祖有虞受
禪陶唐亦以命禹其後媯滿當周武王時祚作
昨土于陳君其世也君生應軋坤之純質受嵩
岳之粹精內包九德外兼百行淵深淪於不測
膽智應於無方弘裕足以容衆矜嚴足以正世
然後研機道奧涉覽文學凡前言往行竹帛所
載靡不坐該其善也亶亶焉其誘人也是以令問
廣譽塞于天淵儀形嘉誨範乎人倫存乎本傳

故略舉其著於人事者焉顯考以茂行崇冠先
儔季弟亦以英才知名當世孝靈之初並遭黨
錮俱處于家號曰三君故得奉常供養以循子
道親執饋食朝夕竭歡及太丘君疾病終亡喪
過乎哀崩傷嘔血如此者數焉服禮既除戚容
彌甚聞名心瞿言及隕涕雖大舜之終慕曾參
之自盡無以踰也豫州刺史嘉懿至德命勅百
城圖畫形像于今遺稱越在民口既處隱約潛
躬味道足不踰閩乃覃思著書且三十餘萬言言
不務華事不虛設其所交釋合贊規聖哲而後

建百明歸焉今所謂陳子者也初平之元禁罔
蠲除四府並辟弓旌交至雖崇其禮命莫敢屈
用大將軍何進表選明儒君爲舉首公車特徵
起家拜五官中郎將到遷侍中旬有八日出相
平原會孝靈晏駕賊臣秉政肆其兇虐剝亂宇
內州郡幅裂戎輿並戒君冒犯鋒矢勤恤民隱
馴之以禮教示之以知耻視事未暮士女向方
會刺史敗於黃巾幽冀二州爭利其土君料敵
知難不忍其民爲己致死乃辭而去之於是老
弱隨慕扳轅持轂輪不得轉遂晨夜間行寓於
邳邳之野袁術恣睢僭號江淮圖覆社稷結婚
呂布斯事成重必不測救君諗布不從遂與成
婚送女在塗君爲國深憂乃奮策出奇以奪其
心卒使絕好追女而還離逆姦謀使不得成國
用又安君之力也惟帝念功命作尚書令會車
駕幸許拜大鴻臚實掌九儀四門穆穆遂登補
袞闕以熙帝載不幸寢疾年七十有一建安四
年六月卒惜乎懷道處否登庸日寡實使大業
不究元勳靡建茲海內所爲嗟悼凡百所以失
望也天子愍焉使者弔祭群卿以下臨喪會葬

有子曰羣追惟慕我罔極之思乃與邦彥碩老
咨所以計功稱伐銘贊之義遂樹斯石用監于
後其辭曰

於穆上德時惟我君固天縱之一作天鍾厥純

命世作則實紹斯文遭險龍潛抗志浮雲所貴
在已樂存事親雖處畎畝天子屢聞乃階郎將
陪帝作鄰平原寇深遂辭其民思齊古公邠土
是因不忘諗國惠我無垠復命喉舌秉國之均
爰登卿士媚茲一人如何穹蒼不授遐年古之在位尠厥
在位每懷不申股肱或虧朝誰與詢三十一煢煢小子
號泣于旻勒銘表德久而彌新吳六

誄

元后誄

楊雄

新室文母太后崩天下哀痛號哭涕泗思慕功
德咸上柩誄之銘曰一無柩字

惟我有新室文母聖明皇太后姓出黃帝西陵
昌意實生高陽純德虞帝孝聞四方登陟帝位
禪受伊唐爰初胙土陳田至王營相厥宇度河
濟旁沙麓之靈太陰之精天生聖姿豫有祥禎
作合于漢配元生成孝順皇姑承家尚莊一作聖敬

齊內則純被一作備後烈丕光肇初配元天命是

將兆徵顯見新都黃龍漢成既終胤嗣匪生哀

帝承祚惟離典經尚是言異大命俄顛厥年天

隕大終不盈文母覽之千載不傾博選大智新

都宰衡明聖作佐與圖國艱以度厄運徵立中

山庶其可濟博采淑女備其姪娣親一作禮高

禱祈廟嗣繼靡格匪天靡動匪地穆穆明明昭

事上帝弘漢祖考夙夜匪懈興滅繼絕博立侯

王親睦庶族昭穆序明帝致支屬靡有遺荒咸

被祚慶冀以金火赤仍有央勉進大聖上下兼

古文苑卷九

十

三十一

該群祥眾瑞正我黃來火德將滅惟后于斯天

之所壞人不敢支哀平夭折百姓分離祖宗之

愆終其不全天命有託謫在于前屬遭不造榮一作榮

極而遷皇天眷命黃虞之孫歷世運移屬在聖

新代于漢劉受祚于天漢祖受命赤傳于黃攝

帝受禪立為真皇允受一作執厥中以安黎眾漢

廟黜廢移定安公皇皇靈祖惟若孔臧降茲珪

璧命服有常為新帝母鴻德不忘欽德伊何奉

命是行菲薄服食神祇是崇尊不虛統惟祇惟

庸一作惟隆循一作脩人敬先民是從承天祇家允恭

一作惟

一作脩

一作惟

一作脩

一作惟

一作脩

一作惟

一作脩

一作惟

虔恪豐阜庶卉旅力不射恤民于留不皇詭作
別計千邑國之是度還奉于此以處貧薄罷苑
置縣築里作宅以處貧窮哀此嫠獨起常盈倉
五十萬斛為諸生儲以勸好學志在黎元是勞
是勤春巡灞澹秋臻黃山夏撫鄆社冬卹涇樊
大射饗飲飛羽之門綏宥耆幼不拘婦人刑女
歸家以育貞信玄冥季冬搜狩上蘭寅賓出日
東秩暘谷鳴鳩拂羽戴勝降桑蠶于繭館躬筐
執曲帥導群妾咸循蚕蔟分繭理絲女工是勅
遐邇蒙祉中外禔福自京逮海靡不仰德成類
存生秉天地經無物不理無人不寧尊號文母
與新有成世奉長壽靡墮有傾著德太常注諸
旒旌嗚呼哀哉以昭鴻名享國六十殂落而崩
四海傷懷擗踊拊心若喪考妣遏密八音嗚呼
哀哉萬方不勝德被海表彌流魂精去此昭昭
就彼冥冥忽兮不見超兮西征既作下宮不復
故庭爰緘伊銘嗚呼哀哉

北海王誄

傅毅

誄曰永平七年北海靜王薨於是境內市不交
易塗無征旅農不修畝室無女工感傷慘怛若

喪厥親俯哭后土仰愬皇旻於惟群英列俊靜
思勒銘惟王勳德是昭是明存隆其實光曜其
聲終始之際於斯爲榮乃作誄曰

覽視昔初若論往代有國有家篇藉攸載貴黜
不驕滿罔不溢莫能履道聲色以卒惟王建國
作此藩弼撫綏方域承翼京室對揚休嘉光昭
其則溫恭朝夕敦循伊德

曹蒼寄誄

魏文帝

惟建安十有五年五月甲戌童子曹蒼寄卒嗚
呼哀哉乃作誄曰

於惟升 懿矣純良誕豐令質荷天之光旣哲
且仁爰柔克剛彼德之容茲義肇行猗歟

終然允臧宜逢介祉以永無疆如何昊天雕斯
俊英嗚呼哀哉惟人之生忽若朝露役役百年
亶亶行暮矧尔夙天十三而卒何辜于天景命
不遂 兼悲增傷侘傺失氣永思長懷哀爾

罔極貽尔良妃綖爾嘉服越以乙酉宅彼城隅
增丘峩峩寢廟渠渠姻媾雲會充路盈衢悠悠
群司岌岌其車傾都蕩邑爰迄爾居魂而有靈
庶可以娛嗚呼哀哉

古文苑卷第九

世傳孫巨源於佛寺經龕中得唐人所藏古
文章一編莫知誰氏錄也皆史傳所不載文
選所未取而間見於諸集及樂府好事者因
以古文苑目之今次爲九卷可類觀然石鼓
之詩退之則以爲孔子未見不知所刪者定
何詩且何自知其爲宣王也左氏載椒舉之
言蒐于岐陽則成王爾秦世諸刻子長不盡
著抑亦有去取耶漢初未有五言而歌與樂
章先有七言蘇李之作果出於二子乎以此
編數首推之意後代詩人命題以賦者若韋
孟尚四言至酈炎乃五言也夫文章遠矣唐
虞之盛賡歌始聞魏晉以還制作逾靡學者
思欲近古於是其有考焉惟訛舛謬缺者多
不敢是正而補之蓋傳疑也淳熙六年六月
潁川韓元吉記





圖書在版編目(CIP)數據

古文苑 .—北京:北京圖書館出版社,2006.6

(中華再造善本)

ISBN 7-5013-3069-7

I. 古… II. III. 古典文學—作品集—中國
IV.I212.1

中國版本圖書館CIP數據核字(2006)第033600號

ISBN 7-5013-3069-7



9 787501 330690 >

書名 古文苑(全六冊)

出版 北京圖書館出版社(100034 北京市西城區文津街七號)

發行 Tel:(010)66151313 Fax:(010)66174391

E-mail:Bstfxb@nlc.gov.cn

Website:www.nlcpress.com

印刷 金壇市古籍印刷廠

開本 八

印張 四二·五

版次 二〇〇六年六月第一版第一次印刷

印數 一—二〇〇

書號 ISBN 7-5013-3069-7 / K·1346

定價 一三六〇圓

